

Mensahe 5

Ang Pagpangalagad sa Mga Apostol nga Nibulig sa Langitnong Pagpangalagad ni Cristo aron Mangatiman sa Iglesia sa Dios nga Iyang Panon aron Matukod ang Lawas ni Cristo ug ang Bag-ong Pagkadasig Pag-usab

Basahong Kasulatan: Juan 10:11, 16; 21:15-17; 1 Ped. 2:25; 5:4;
Heb. 13:20; Bug. 1:13; 2:1, 7

- I. Ang Salmo 22 hangtod sa 24 usa ka grupo sa mga salmo nga nagpadayag ni Cristo sukad sa pagkalansang Niya sa krus pinaagi sa Iyang pagpangati-man hangtod sa paghari Niya sa moabot nga panahon:**
 - A. Ang Salmo 23, nga naghigot ni Cristo nga Magbalantay sa pagkabanhaw ug pagkayab Niya, mao ang tulay sa nagtubos nga kamatayon ni Cristo ug sa nagpalugwa-sa-iglesia nga pagkabanhaw Niya diha sa Salmo 22 ug sa pagbalik ni Cristo nga Hari, nga manag-iya pag-usab sa tibuok yuta pinaagi sa iglesia nga Lawas Niya diha sa Salmo 24.
 - B. Sa langitnong pagpangalagad ni Cristo nangatiman Siya sa mga tawo, ug moubulig gyod ta Niya sa pagpangatiman og mga tawo; kon dawaton nato kining pakig-ambitaya, mahitabo gyod ang dakong pagkadasig pag-usab dinhi sa yuta aron makabalik ang Ginoo.
- II. Gipadayag sa Juan 21 ang pagpangalagad sa mga apostol nga nibulig sa langitnong pagpangalagad ni Cristo; kini ang nagkompleto ug naghingpit sa Ebanghelyo ni Juan:**
 - A. Dunay 21 ka capitulo ang Ebanghelyo ni Juan, apan sa pagkatinuod natapos kini sa capitulo 20.
 - B. Gihigotan sa tibuok basahon ang yutan-ong pagpangalagad ni Cristo, sugod sa pagpakatawo Niya nga Pulong sa Dios nga nahimong tawo diha sa unod (1:1-14) ug natapos sa pagkabanhaw Niya nga kataposang Adam nga nahimong Espiritung taghatag-og-kinabuhi (20:22); busa, pakapin gyod ang capitulo 21.
 - C. Bisag husto ang pagsulti niini, mas tiunay ang pag-ingon nga nagkompleto ug naghingpit sa Ebanghelyo ni Juan ang Juan 21; naghingpit kini sa tibuok Ebanghelyo ni Juan sa pagpakita nga nagbuligay ang langitnong pagpangalagad ni Cristo ug ang pagpangalagad sa mga apostol dinhi sa yuta aron matuman ang pamatigayon sa Dios.
- III. Gipadayag sa Ginoo sa Juan 10:10-11 ug 16 ngadto sa Iyang mga tinun-an nga Siya ang maayong Magbalantay nga nianhi aron makabaton og kinabuhi ang mga karnero sa madagayaon gyod ug duna Siyay uban pang karnero (ang mga Gentil) nga ipausa Niya kanila (ang mga magtutuong Judio) aron mahimong usa ka panon (ang iglesia) diha sa usa ka Magbalantay:**
 - A. Naa una sa yutan-ong pagpangalagad sa Ginoo ang pagpangatiman Niya—Mat. 9:36; itandi sa 10:1-6.
 - B. Ikaduha, naa sa langitnong pagpangalagad sa Ginoo ang pagpangatiman Niya (1 Ped. 5:4) aron mangatiman sa iglesia sa Dios, nga mosangpot sa Iyang Lawas.
- IV. Gitahasan sa Ginoo si Pedro nga pakan-on ang Iyang mga nating karnero ug atimanon ang Iyang mga karnero:**

- A. Sa nagpabilin ang Ginoo uban sa Iyang mga tinun-an sa nabanhaw na Siya ug sa wala pa Siya mokayab, sa usa sa mga pagpakita Niya, gitahasan niya si Pedro sa pagpakaon sa Iyang mga nating karnero ug pag-atiman sa Iyang mga karnero kon wala na Siya, samtang naa Siya sa mga langit—Juan 21:15-17.
- B. Pagtagik kini sa pagpangalagad sa mga apostol sa langitnong pagpangalagad ni Cristo sa pag-atiman sa panon sa Dios, nga mao ang iglesia nga mosangpot sa Lawas ni Cristo.
- C. Sa ngadto-ngadto, sa basahon sa Mga Buhat, niingon si Pedro, “Lig-on gyod ming magpadayon sa pag-ampo ug sa pagpangalagad sa pulong” (6:4); pagbulig kini sa langitnong pagpangalagad ni Cristo sa pagpangamuyo (Heb. 7:25) ug sa pagpangalagad og Dios ngadto sa Iyang katawhan (8:2).
- D. Nasilsil gyod pag-ayo sa panumdoman ni Pedro kining gitahas sa Ginoo nga sa unang basahon niya gisultian niya ang mga magtutuo nga sama silag mga karnerong nahisalaag, apan nahiuli na sila karon sa Magbalantay ug Maglalan-taw sa ilang kalag—1 Ped. 2:25:
 - 1. Nagpuyo si Cristo sa sulod nato aron mahimong kinabuhi ug tanan nato, apan naglantaw, naniid sab Siya sa kahimtang ug sitwasyon sa pagkatawo nato sa sulod.
 - 2. Gibantayan ta Niya sa pag-atiman Niya sa kaayohan sa pagkatawo nato sa sulod ug sa paglantaw Niya sa kahimtang sa atong kalag, sa tinuod nga persona nato—itandi sa Heb. 13:17.
- E. Giawhag ni Pedro ang mga anciano nga atimanon ang panon sa Dios diha nila aron sa dihang ipadayag na ang Pangulong Magbalantay, madawat nila, sa matinumanong mga anciano ang dili mokupas nga purongpurong sa himaya—1 Ped. 5:1-4.
- F. Nagpakita ang pulong ni Pedro nga ang langitnong pagpangalagad ni Cristo ulohanon gyong alang sa pagpangatiman sa iglesia sa Dios nga panon Niya, nga mosangpot sa Iyang Lawas.

V. Nagpakita sab ang mosunod nga mga pulong ni apostol Pablo sa panagt-agik sa pagpangalagad sa mga apostol ug sa langitnong pagpangalagad ni Cristo aron sa pag-atiman sa panon sa Dios:

- A. Gisultian ni Pablo sa Mga Buhat 20:28 ang mga anciano sa Efeso, “Pagmatngon mo sa inyong kaugalingon ug sa tibuok panon, nga diha nila gipahaluna mo sa Espiritu Santo nga mga maglalantaw nga mangatiman sa iglesia sa Dios, nga nabatonan [o gipalit] Niya pinaagi sa kaugalingon Niyang dugo.”
- B. Niingon si Pablo, “Nasayod ko nga sa akong pagbiya mangabot ang mabangis nga mga lobo diha ninyo, nga dili maluoy sa panon” (v. 29); wala magtagad ang apostol sa kaugalingon niyang kinabuhi (v. 24), apan nabalaka kaayo siya sa kaugmaon sa iglesia, nga gimahal niya sama sa pagmahal sa Dios niini.
- C. Niingon si Pablo sa Mga Hebreohanon 13:20, “Ang Dios...nagbangon sa atong Ginoong Jesus gikan sa mga minatay, ang dakong Magbalantay sa mga karnero, diha sa dugo sa walay kataposang pakigsaad”:
 - 1. Ang walay kataposang pakigsaad mao ang pakigsaad sa bag-ong tugon nga makabaton og panon, nga mao ang iglesia nga mosangpot sa Lawas ug mahingpit sa Bag-ong Jerusalem; ang walay kataposang pakigsaad sa Dios paghingpit man sa Bag-ong Jerusalem pinaagi sa pagpangatiman.
 - 2. Gipabangon sa Dios ang atong Ginoo gikan sa mga minatay aron mahimong dakong Magbalantay nga mohingpit sa Bag-ong Jerusalem sumala sa walay kataposang pakigsaad sa Dios.

VI. Ang ulohanong tuyo ug tumong sa pagpangalagad sa mga apostol nga nagtagik sa langitnong pagpangalagad ni Cristo pagtukod man sa Lawas ni Cristo nga maghingpit sa Bag-ong Jerusalem aron matuman ang walay kataposang pamatigayon sa Dios—itandi sa Efe. 3:2, 8-9; 1 Ped. 5:10.

VII. Gihisgotan man ngani sa Awit sa Mga Awit ang pagpangatiman sa panon sa Dios alang sa ulohanong tuyo ug kinataposang kahingpitan sa walay kataposang pamatigayon sa Dios:

- A. “Sultii ko, ikaw nga gihigugma sa akong kalag, Asa ka man magpasibsib sa imong panon [aron matagbaw]? / Asa man nimo kini papahulayon maudto [aron makapahulay]?”—1:7a.
- B. “Adto sa mga tunob sa mga panon, / Ug pasibsiba ang imong mga nating kanding / Duol sa mga tolda sa mga magbalantay”—v. 8b.
- C. “Akoa ang akong hinigugma, ug iyaha ko; / Gipasibsib niya ang iyang panon taliwala sa mga lirio [ang mga matinguhaon ni Cristo nga nagkinabuhi nga nag-salig sa Dios uban sa yano nga kasingkasing]”—2:16.
- D. “Iya ko sa akong hinigugma, ug akoa ang akong hinigugma; / Gipasibsib niya ang iyang panon taliwala sa mga lirio”—6:3.

VIII. Mahinungdanon kaayo ang pagpangatiman sa mga magtutuo aron motubo sila sa kinabuhi; sundon gyod nato ang paagi sa pagpangatiman sa pag-sangyaw sa ebanghelyo ug pagdasig pag-usab sa iglesia:

- A. Moampo gyod ta nga, “Ginoo, gusto kong madasig pag-usab; sukad karon gusto kong mahimong magbalantay; gusto kong magpakaon sa mga tawo, mangatiman sa mga tawo, ug magpanonpanon sa mga tawo.”
- B. Sa Juan 10 ug 21 gigamit sa Ginoo ang tulo ka pulong kalabot sa pagpangati-man: *pakan-a*, *atimana*, ug *panon* (10:16; 21:15-16); magamit sab nato ang pulong *panon* ingon nga verbo.
- C. Makat-on gyod unta ang tanang iglesia nga magpanonpanon aron masakot sila pag-usa; manguna gyod ang mga anciano ug mga masigka-magbubuhay sa pag-batasan niini.

IX. Ang organicong pagmintinar sa bulawang tangkawan mao ang langitnong pagpangalagad ni Cristo nga magpangga sa mga iglesia diha sa Iyang pagka-tawo ug magpakaon sa mga iglesia diha sa Iyang pagkadios aron magpalugwa sa mga mananaog pinaagi sa Iyang organicong pagpangatiman—Bug. 1:13; 2:7; Juan 10:11, 14; 1 Ped. 2:25; 5:4; Heb. 13:20:

- A. Naa sa Iyang pagka-tawo ang Anak sa Tawo, nagtimaan sa Iyang pagkadios ang bakos nga bulawan, ug timaan sa gugma ang dughan:
 - 1. Gibaksan sa may hawak si Cristo, gilig-on alang sa diosnong buhat (Exo. 28:4; Dan. 10:5) aron magpalugwa sa kaiglesiahan, apan gibaksan Siya karon sa may dughan, nangatiman sa kaiglesiahang gipalugwa Niya pinaagi sa Iyang gugma (Bug. 1:13).
 - 2. Nagtimaan ang bakos nga bulawan sa pagkadios ni Cristo nga diosnong kalagsik Niya, ug nagtimaan ang dughan nga gigamit ug gidasig kining bulawang kalagsik pinaagi sa ug uban sa Iyang gugma aron magtil-og sa kaiglesiahan.
- B. Giatiman ni Cristo ang kaiglesiahan diha sa Iyang pagka-tawo ingon nga Anak sa Tawo aron panggaon sila—v. 13a:

1. Giandam Niya ang mga suga sa mga tangkawan aron mahusto kini, gipangga ta aron malipay, mahimuot, ug mahayahay ta—Exo. 30:7; itandi sa Sal. 42:5, 11:
 - a. Naghatag ang presensya sa Ginoo og kahimtangan sa kalumo ug kainit aron mapangga ang pagkatawo nato, gipapahulay, gilipay, giayo, gihinloan, ug gidasig ta.
 - b. Makapahimulos ta sa mapanggaong kahimtangan sa presensya sa Ginoo diha sa iglesia aron madawat nato ang makatil-og nga sangkap sa kina-buhi—Efe. 5:29; itandi sa 1 Tim. 4:6; Efe. 4:11.
 2. Giputol Niya ang mga pabilo sa mga suga sa tangkawan, giputol ang tanang negatibong butang nga nakaulang sa atong pagsidlak—Exo. 25:38:
 - a. Ang napaig nga bahin sa pabilo, ang naagiw nga bahin, nagtimaan sa mga butang nga dili sumala sa tuyo sa Dios ug putlon gyod, sama sa atong unod, atong natural nga tawo, atong kaugalingon, ug atong daang kabu-hatan.
 - b. Giputol Niya ang tanang kalainan diha sa kaiglesiahan (ang sayop nga mga binuhatan, mga kakulangon, mga kapakyasan, ug mga apan) aron masama sila sa pagkamao, panagway, ug pagpadayag—itandi sa 1 Cor. 1:10; 2 Cor. 12:18; Fil. 2:2.
 - C. Giatiman ni Cristo ang kaiglesiahan diha sa Iyang pagkadios uban sa Iyang diosnong gugma, nga gitiman-an sa bakos nga bulawan sa Iyang dughan, aron til-ogan ang kaiglesiahan—Bug. 1:13b:
 1. Gitil-ogan ta Niya sa Iyang Kaugalingon nga malangkobon-sa-tanan nga Cristo sa Iyang hingpit nga pagpangalagad sa tulo ka hugna aron motubo ta ug mahamtong diha sa diosnong kinabuhi aron mahimong mga mananaog Niya ug mahuman ang Iyang walay kataposang pamatigayon.
 2. Isip naglakaw nga Cristo, nahibalo Siya sa kahimtang sa matag iglesia, ug isip Espiritung namulong, gihinloan ug gipuno Niya ang mga tangkawan sa bag-ong lana, sa sangkap sa Espiritu—2:1, 7; itandi sa Exo. 27:20-21; Zac. 4:6, 11-14.
 3. Aron makaapil sa Iyang lihok ug makapahimulos sa Iyang pag-atiman, kina-hanglan maanaa ta sa kaiglesiahan.
- X. Pinaagi sa matahom nga pagpangatiman ni Cristo, magpahimulos ta Niya nga mga panalangin nato karon ug sa eternidad—Isa. 49:10; Bug. 7:9-17; Juan 6:35; 4:13-14; Sal. 36:7-9; 91:1; Isa. 12:1-6; Bug. 22:1.**